

Melaetsa e e Botlhokwa e e ka ga go Dirisa Dibolayaditshenekegi ka fa Nageng ya Aforika Borwa

- Ba bangwe ba baagi ba ka fa nageng ba dirisa didirisiwa tse di bogale tse di sa tshwanelwang go dirisiwa kwa malapeng le mo mabentleleng tse di jaaka *aldicarb (carbamate)* mmogo le *Terbufos (organophosphates)*, tse di itsegeng thata ka gore ke galephirime, go bolaya magotlo le mafele.
- Puso e rotloetsa baagi gore ba tlogele go dirisa didirisiwa tse di kotsi tse di sa tshwanelang go dirisiwa.
- Mo legatong la go dirisa didirisiwa tse di nang le botlhole go bolaya magotlo, puso e rotloetsa baagi gore ba dirise dirai tse di tshwarang magotlo.
- Pele o ka dirisa sidirisiwa se se nang le botlhole sa go bolaya magotlo, batlisisa tshedimosetso ya gore botlhole joo bo tla nna kotsi go le kanakang mo go wena. O tshwanetse go e dirisa ka tshwanelo ka go latela ditaello tse o di kwaletsweng mo sephuthelwaneng pele o ka simolola go bula sephuthelwana sa teng kgotsa pele o ka simolola go dirisa sedirisiwa sa teng.
- Didirisiwa tsa go bolaya ditshenekegi ga di a tshwanelwa go dirisediwa tiro e nngwe ntle fela le eo di diretsweng yona kgotsa go dirisiwa ka tsela e e rileng ntle le go ya ka fao go kwadilweng mo diphuthelwaneng tsa tsona.
- Didirisiwa tsa go bolaya ditshenekegi ga di a tshwanelwa go tsenngwa ka fa gare ga dikane dingwe le dingwe ntle le tseo di diretsweng tsona tse di nang le ditshwantsho tsa diphuthelwana tsa didirisiwa tseno.

- Ga go a tshwanela gore didirisiwa tsa go bolaya ditshenekegi di tle di sena diphuthelwana tsa tsona tse di nang le tlhaloso ka sedirisiwa seo.
- Didirisiwa tse di bogale tsa go bolaya ditshenekegi ga di a tshwanelwa go dirisediwa lebaka lepe fela, ga di a tshwanelwa go rekiwa, go rekisiwa kgotsa go latlhiwa ka mokgwa wa go fana ka tsone mo bathong ba bangwe gore ba di dirisetse mabaka a bona a a sa itsegeng.
- *Aldicarb* e ka fa nageng e tumileng ka leina la “Galephirimi” e ileditswe go dirisiwa ka fa nageng ya Aforika Borwa, mme *Terbufos* yona ga e ise e amogelwe go ka kwadisiwa gore e nne sedirisiwa se se ka dirisiwang go lwantshana le magotlo le mafele.
- Didirisiwa tseno ka bobedi jwa tsona ga di a letlelelwa go ka dirisiwa mo malapeng le mo mabentleleng jaaka e le tsona didirisiwa tse di nang le botlhole jo bontsi mme batho ba bantsi ka fa nageng ba bolawa ke botlhole jwa didirisiwa tseno.
- Molao wa Didirisiwa tse di Kotsi ga o sa letlelela gore *Terbufos* e tswelele go dirisiwa ka fa nageng ka ntlha ya gore botlhole jwa yona bo bogale mo maphelong a batho ebile bo dira gore tikologo e nne le botlhole.
- Ka fa nageng ga go motho ope kgotsa kgwebo epe e e letleletsweng go dira didirisiwa tsa go bolaya ditshenekegi, go di reka kwa dinageng tsa kwa ntle, go di phasalatsa, go di rekisa, go di dirisa le go roromisa serodumo sa didirisiwa tseno ntle fela le bao ba kwadisitseng semmuso go dira jalo.
- Puso e ileditse setšhaba go reka *Terbufos* ntle fela le bao ba kwadisitseng e bile e le diporofešenale tseo di katisitsweng go dirisa sedirisiwa seno.

- Puso e tla tswelela go dira bonnete jwa gore merero ya tlhokomelo ya dikhemikhale le ya tlhokomelo ya dikotsi tsa boitekanelo e a obamelwa, maemo a tlhomiwa le tlho, mme molao o a latelwa.
- Go ikuelwa mo setšhabeng gore se ntshe mosi ka sekhurumelo fa e le gore ka fa nageng ya Aforika Borwa go na le mongwe yo a dirisang sedirisiwa seno, yo a se rekisang, yo a roromisang serodumo sa sedirisiwa seno, le yo a dirang didirisiwa tseno tse di seng mo molaong.

Go ntsha matlho dinameng

- Tlhokomela gore didirisiwa tsa go bolaya ditshenekegi di se nne mo bana ba ka di fitlhelelang.
- Notlelela didirisiwa tsa go bolaya ditshenekegi.
- Se baye didirisiwa tsa go bolaya ditshenekegi mo letsatsi le di fitlhelelang.
- Tsholola kgotsa latlha sedirisiwa sa ditshenekegi go ya ka fao sephuthelwana se laelang ka teng.
- O seke wa gasa kgotsa wa dirisa sedirisiwa sa go bolaya ditshenekegi gaufi le metsi a a nwewang kgotsa gaufi le dijo tse di tla jewang ke batho.
- Dirisa sedirisiwa sa go bolaya ditshenekegi pele se felelwa ke nako go ya ka letlha le le beilweng mo sephuthelwaneng.
- O seke wa tlebola sekgemetšhwana sa pampitshana e e mo sephuthelwaneng sa sedirisiwa sa go bolaya ditshenekegi kgotsa gona go dirisa sedirisiwa se se senang sephuthelwana seno.

- Dira bonnete jwa gore sedirisiwa seno sa go bolaya ditshenekegi se seke sa go tsena ka fa dinkong, ka fa leganong kgotsa go go tshela mo letlalong kgotsa ka fa matlhong.
- Fa sedirisiwa sa go bolaya ditshenekegi se ka go tshela mo letlalong kgotsa ka fa matlhong dira bonnete jwa gore ga o senye nako mme o tlhapa mo se go tshetseng ka metsi a mantsi kgotsa ka sesepa fa e se ka fa leitlhong.
- Fa e le gore ka phoso o iphitlhela sedirisiwa sa go bolaya ditshenekegi se tsene ka fa leganong, ka fa nkong, kgotsa o lwatsa ke go dirisiwa ga sedirisiwa sa go bolaya ditshenekegi, bona kalafo ka bonako.